

ଡିମିଟିଙ୍କ ନିକଟକୁ ପାଉଲଙ୍କ ପ୍ରଥମ ପତ୍ର ତୀମତିନ୍ ଗାର୍ଗେ ପାଉଲ୍‌ରେ ପ୍ରତମ୍ ଚିଠି ତୀମତି ବଇ ବିଷୟରେ ଅଣ୍ଟୟ ପଦ୍

ଏ ତୀମତି ବଇ ଅଣ୍ଟୟ ଚିଠି, ପ୍ରେରିତ୍ ପାଉଲ୍‌ତାଗାଙ୍କ ତାନ୍ ଶିଷ୍ୟ ତୀମତିତିଙ୍କ ଲେକ୍‌ତଣ୍ । ଏ ତୀମତି ସମ୍ଭାବନା ପାକାପାକି ୨୨-୨୪ କ୍ରିଷ୍ଟାବ୍ଦରେ ଜିସୁ କ୍ରିଷ୍ଟନ୍ ଜନମ୍ ପେକେ ଲେକା ଆଡ଼ରେ । ଇଦ୍ ଆଦ୍‌ପାର୍‌ରେ ଇଦ୍ ପାଉଲ୍‌ରେ ଜିହ୍‌ଣ୍ ମାଡ଼େଇଁ ସମୟ । ପାଉଲ୍‌ ତଡ଼୍‌ତୀମତିନ୍ ଗାଟି ସମ୍ପର୍କ ମାଡ଼ରେ, ଅଣ୍ଟ ନାଗେ ସମୟରେ ତୀମତିନ୍ ମାର୍ ଇଞ୍ଜ କେତିତଣ୍ ଫିଲିପିୟ ୨:୨୨; ଏ ତୀମତି ୧:୨; ୧:୧୮ । ଇଦ୍ ପ୍ରେରିତ୍ ପାଉଲ୍‌ ତଡ଼୍‌ଲେକା ଆଡ଼ରେ ନାଲୁ ବ୍ୟକ୍ତିଗତ ଚିଠିନ୍ ଲୋପେଙ୍କ ଇଦ୍ ଅଣ୍ଟୟ ବେଗେ କି ମଣ୍ଡଲି ବାଦୁଲ୍‌ରେ ଅର୍ଡ଼ଣ୍ଟ ନାରୁନ୍ ପରିଚୟ ଇଦ୍‌ତଣ୍ । ମେଣ୍ଡେ ମୁଣ୍ଟ ବଇକି ଆଦୁରେ ୨ ତୀମତି, ତୀତସ୍ ନୁ ଫିଲିମନ୍ । ଏ ତୀମତିତାଗ୍ ମଣ୍ଡଲିରେ ନାଗେ ଉପାସନ୍ ଦାରା ବିଷୟରେ ମିନ୍ଦେ ୨:୧-୫ ।

ଇଗେ ମଣ୍ଡଲିରେ ନେତାଲଡ଼ାଦ୍ ଯୋଗ୍ୟତା ବିଷୟରେ ଉଡ଼ିତମ୍ ୩:୧-୧୩ ମେଣ୍ଡେ ମିର୍ ଗୁରୁଡ଼୍ ବିରୁଦ୍‌ରେ ସତର୍କ ମିନ୍ଦେ ୧:୩-୧୧; ୪:୧-୫; ୬:୨-୫ । ମଣ୍ଡଲି ଲୋପେଙ୍କ ତୀମତି ବେଦ୍‌ରକମ୍ ଅଣ୍ଟୟ ନେତାଲ୍ ଆଦାନ୍ ଦର୍କାର୍ ଆଦ୍ ପାଉଲ୍‌ ତାଲିମ୍ ଇଦାନ୍ ବିଷୟରେ କେଡ଼ତଣ୍ । ଏ ତୀମତିତାଗ୍ ଇଞ୍ଜେଡ଼ ନାଟେନ୍ ମଣ୍ଡଲିରେ ପାଡ଼୍‌ୟ ପରିଚାଲନା ସେଙ୍ଗେ ମଣ୍ଡଲିରେ ନେତାଲଡ଼କ୍ ନାଗେ ମୁଲ୍ ବିଷୟ ଇଦ୍‌ରେ ।

ବଇଡ଼ ଲୋପେ ମାନ୍ଦାନ୍ ମୁକ୍ୟ ବିଷୟ

୧. ପାଉଲ୍‌ ତୀମତିଙ୍କ ନମସ୍କାର୍ କେସ୍ ଲେକା ଆରାମ୍ ମାଡ଼ିତଣ୍ । ୧:୧-୨
୨. ପାଉଲ୍‌ ତୀମତିଙ୍କ ମିର୍ ଗୁରୁଡ଼୍ ବିରୁଦ୍‌ରେ ସତର୍କ କେତିତଣ୍ । ୧:୩-୧୧
୩. କ୍ରିଷ୍ଟନାଗ୍ ପାଉଲ୍‌ରେ କୃତଜ୍ଞତା । ୧:୧୨-୧୯

୪. ପାଉଲ୍ ମଣ୍ଡଳିତେ ସେବା ପାଢ଼ି ନୁ ନେତାଲଡ଼ ବିଷୟତେ
ତାମଡ଼ିଙ୍କ ନିର୍ଦ୍ଦେଶ ଇଦତଣ୍ଡ । ୨-୩

୫. ତାମଡ଼ିଙ୍କ ପାଉଲ୍ତେ ମାଡ଼େଜ୍ତାଦ୍ ନିର୍ଦ୍ଦେଶନା । ୪-୭

୧ ନାନ୍ ପାଉଲ୍, ମାନ୍ ମୁକ୍ତିଦାତାଲ୍ ନିଜେ ଇଶ୍ବର ନୁ ମାନାଙ୍କ
ଆଶେତେ କ୍ରିଷ୍ଟ ଜିସୁନ୍ ଗର୍ ଲେକାମ୍ ଏଞ୍ଚତଣ୍ଡ ପ୍ରେରିତ ପାଉଲ୍ ।

୨ ✧ ଅନ୍ ଦର୍ମମାର୍ ତାମଡ଼ିନ୍ ଗାରେ ଲେକିମାୟାନ୍ ଚିଟି, ବାବାଲ୍
ଇଶ୍ବର ନୁ ମାନ୍ ପ୍ରଭୁ କ୍ରିଷ୍ଟ ଜିସୁ ମିକିଂଙ୍କ ଅନୁଗ୍ରହ, କୃପା ନୁ ଶାନ୍ତି
ଇଦତଣ୍ଡ ।

ବୁଚା ଶିକ୍ଷା ମାଉଦିଙ୍କ ସତର୍କବାଣୀ

୩ ନାନ୍ ମାସିଦୋନିଆତା ଆଦାନଝେୟ୍ ମିକିଙ୍କ କେସମାୟାନ୍
ଲେକାମ୍ ମିଡ଼୍ ଏଫିସିତାଗ୍ ମାନୁର୍ । ଆଗେ ବେସ୍ତୁଡ଼୍ ବୁଲ୍
ଶିକ୍ଷାସାରେ ଇଦୁତଡ଼୍, ଅଡ଼କିଂଙ୍କ ଆଗାଙ୍କ ବନ୍ଦ୍ ମାଡ଼ାନଙ୍କ ଆଦେଶ୍
ଇମୁର୍ ।

୪ ଅଡ଼ ଲେକେଡ଼ ଝେଷଡ଼୍ ନୁ ଆନିଦାଦିଡ଼ାଦ୍ ବଂଶତଡ଼କିଙ୍କ ତିଆର୍
ମାଡ଼ାଙ୍କ ଆଡତଡ଼୍ । ଆଝିସାରେ ଝିଡ଼ିଆଙ୍କ ଅଡ଼କିଂଙ୍କ ଶିକ୍ଷାହିମୁର୍,
ବାଡେଙ୍କଇଡକେ ଆଦ୍ ମାଡର୍ ଆଙ୍ଗଡ଼ାମ୍ ଗଲକ୍ ସୃଷ୍ଟି ମାଡ଼ିଡ଼୍
। ବେନ୍ ସରଲ ବିଶ୍ବାସତେ ଇଶ୍ବରତେ ଇଛା ପୁନ୍ୟାଙ୍କ ଆଦତେ,
ଇଝିସାରେ ତାଙ୍କିଙ୍କ ବାଦା ଇଦତା ।

୫ ସାୟେଡ଼ ହୁଦୟ୍, ନିର୍ମଲ ବିବେକ୍ ନୁ ପ୍ରକୃତ ବିଶ୍ବାସତେ ବେନ୍
ପ୍ରେମ ତାଟୁମ୍ ଆଦତେ, ଆଦିଙ୍କ ଜାଗ୍ରତ୍ ମାଡ଼ାନ୍ ମାଉଦିଙ୍କ ନେଣ୍ଡ ନାନ୍
ଇଦ୍ ଆଦେଶ୍ ଇଦୁତାନ୍ ।

୬ ବେସ୍ତୁଡ଼୍ ନାରୁଡ଼୍ ଇ ବେଡ଼ିୟି ବିଷୟତିଙ୍କ ମାଙ୍ଗ୍ ଆଙ୍ଗଡ଼ାମ୍
ଯୁକ୍ତିତର୍କତେ ଆର୍ବୁଲକା ଆସ୍ମିନ୍ଦେଡ଼୍ ।

୭ ଦର୍ମ ଗୁରୁ ଆସ୍ ଇଶ୍ବରତେ ବିଦି ବ୍ୟବସ୍ଥାତେ ବ୍ୟାକ୍ୟା ମାଡ଼ାଙ୍କ
ଅଡ଼ ଇଛା ମାଡ଼ିତଡ଼୍, କିନ୍ତୁ ବେନ୍ ବିଷୟତେ ଦୃଢ଼ ଶିକ୍ଷା ଇଦତଡ଼୍ ଆଦ୍
ଅଡ଼ ନିଜେ ବୁଜେମ୍ ଆୟଡ଼, ବେନ୍ସାରେ ବିଷୟତେ ନିଜାମ୍ତେ ମତ
ପ୍ରକାଶ୍ ମାଡ଼ିତଣ୍ଡ, ଆଦ୍ ପ୍ରକୃତତେ ବାତେ, ଅଡ଼ ପୁନ୍ନଡ଼୍ ।

୮ ମାମ୍ ପୁତ୍ରମ୍ ଯେ, ବ୍ୟବସ୍ଥାତିଙ୍କ ସାୟେ ବ୍ୟବହାର ମାଡ଼କେ, ଆଦ୍ ସାୟ ।

୯ କିନ୍ତୁ ହେକେ ନେହୁଡ଼ ଖେୟତିଡ଼, ଇ ବ୍ୟବସ୍ଥା ଦାମ୍ କ ନାରୁଡ଼ତେ ମାଇଦିଙ୍କ ଆୟ । ନିୟମତିଙ୍କ ବାଙ୍ଗାମାଡ଼ାନ୍ ନାରୁଡ଼, ଆଦାମ୍ କିଡ଼ତେ ମାଇଦିଙ୍କ ଆଦ୍ ତିଆର୍ ଆସ୍ମିନେ । ବେନଡ଼, ସ୍ୱେଚ୍ଛାଚାରୀ, ବେନଡ଼, ଇଶ୍ୱରତିଙ୍କ ଖେରୁଡ଼, ବେନଡ଼, ପାପ୍ ଅପକର୍ମତେ ବେନଡ଼ ଦର୍ମବାବ ବା ଆଦ୍ୟାମିବଦ୍ ଇଲେ, ବେନଡ଼, ଯାୟବାବାଙ୍କ ଆଖିକାଙ୍କ ହେକେ ମାଡ଼ାନଡ଼; ନାରୁଙ୍କ ଆଖିକାନଡ଼,

୧୦ ବେବିଚାରି, ଅସ୍ୱାବାବିକ କାମୁକତା, ନାରୁନ୍ ଡଙ୍ଗାନଡ଼, ନୁ ମିର୍ ସାକ୍ଷ୍ୟ ଇଦାନଡ଼, ବିଶ୍ୱାସ୍ ଇଲୁଖଡ଼, ନୁ ବେନଡ଼ ସଡ଼ ଶିକ୍ଷାତେ ବିରୁଦ୍ ମାଡ଼ିତଡ଼ ଅଡ଼ ସେଙ୍ଗେ ବ୍ୟବସ୍ଥା ତିଆର୍ ଆଡ଼ତେ ।

୧୧ ଇଦ୍ ଉପଦେଶ୍ ଇଶ୍ୱରତେ ଗୌରବ୍ ପ୍ରସଂଶା ସେଙ୍ଗେ ଆୟି । ଇଦ୍ ସାୟେଡ଼ ଗର୍ ପ୍ରଚାର୍ ମାଡ଼ାନଙ୍କ ଦାୟିଡ଼ ନାକିଙ୍କ ଇଡ଼ତଡ଼ ।

ଇଶ୍ୱରତେ ଦୟା ସେଙ୍ଗେ ଦନ୍ୟବାଦ୍

୧୨ ନା ପର ବରସା ଖାଟି ଇଦ୍ ସେବା ପାଡ଼ୁୟି ନିୟୁକ୍ତି ମାଡ଼ତାଙ୍କ୍ ନାନ୍ ମାନ୍ ପ୍ରବୁ ଜିସୁଙ୍କ୍ ଦନ୍ୟବାଦ୍ ଇଦ୍ତାନ, ଅଣ୍ ନାକିଙ୍କ୍ ବିଶ୍ୱସ୍ ମନେ ମାଡ଼ି ସେବକ୍ ପଡ଼ିୟେତାନ୍ ନିୟୁକ୍ତି ମାଡ଼ିମିନ୍ଦେଶ୍,

୧୩ ଫୁନେନ୍ ନାନ୍ ଜିସୁ କ୍ରିଷ୍ଟଙ୍କ୍ ନିୟା ମାଡ଼ମାଡ଼ତାନ୍, ଆଗେକ୍ବା ଅଣ୍ ନାକିଙ୍କ୍ ଯୋଗ୍ୟ ମନେ ମାଡ଼ି ନିୟୁକ୍ତି ମାଡ଼ତଣ୍ କିନ୍ତୁ ନାନ୍ ବାଡ଼ ମାଡ଼ତୁନ୍ ଇଞ୍ଜ ପୁନ୍ଝାଙ୍କ୍ ଇଶ୍ୱର ନାକିଙ୍କ୍ ଦୟା ମାଡ଼ତଣ୍, ଅବିଶ୍ୱାସୀ ମାନ୍ଦାନ୍ ଖେଲେ ନାନ୍ ଆଲା ମାଡ଼ମାଡ଼ତାନ୍ ।

୧୪ ମା ପ୍ରବୁନ୍ ନାଗେ ଅନୁଗ୍ରହ୍ ନୁ ଅନାଗ୍ ବିଶ୍ୱାସ୍ ମେଣ୍ଡେ ପ୍ରେମତେ ଆସ୍ମିନେନ୍ ।

୧୫ ପାପିଡ଼କ୍ ଉଦାର୍ ମାଡ଼ାନ୍ ମାଇଦିଙ୍କ୍ କ୍ରିଷ୍ଟ ଜିସୁ ପୃତିବିଚାଗ୍ ଖାସ୍ମାଡ଼ତଣ୍, ହିଦ୍ ଅଣ୍ଡୟ ନିଜାମ୍ ସଡ଼ ସାରେତଡ଼ ହିଦିଙ୍କ୍ ପୁନ୍ଦାନ୍ ଦରକାର୍ । ଆ ପାପୀଡ଼ି ଲୋପେ ନାନ୍ ସାରେତଡ଼କିଙ୍କ୍ ଅନ୍ ବାଡ଼ୟଣ୍ ।

୧୬ କିନ୍ତୁ ନା ଲେକାମ୍ ଅରଡୁଣ୍ ବେଡ଼ୟେ ପାପୀ ପ୍ରତି ଆନ୍ତେ ଇଶ୍ୱରତେ କୃପା ନୁ କ୍ରିଷ୍ଟ ଜିସୁନ୍ ସହନଶିଳତା ନାକିଙ୍କ୍ ଅଣ୍ଡୟ ଖେଷଡ଼,

ମାଡ଼ି ନେହୁତଣ୍ଡ, ଆନୁଷ୍ଠେ ନାରୁଡ଼, ବେଲା ଜିସୁନାଗ୍ ବିଶ୍ୱାସ୍ ମାଡ଼ି
ଅନନ୍ତ ଜିଝୁନ୍ ଲାବ୍ ମାଡ଼ିତଡ଼ ।

୧୭ ସାରେ ବିଶ୍ୱ ଜଗତ୍‌ରେ ତନ୍‌ହାଦ୍, ଝେରଣ୍ଡେ ଇଶ୍ୱର,
ସାରେଦିନାଡ଼ ରାଜାଲ୍, ଅଣ୍ଡୟମାତର୍ ଇଶ୍ୱର ଯୁଗ୍‌ଯୁଗ୍ ସମ୍ମାନିତ ନୁ
ମହିମାନ୍ନିତ ଆଇଣ୍ଡ । ଆମେନ୍ ।

୧୮ ନା ମାର୍ ତାମଡ଼ି, ନି ବିଷୟରେ ମୁନେକଙ୍କ ପ୍ରକାଶ ପାହେମ୍
ଆଡ଼ରେ ବାବବାଣି ଲେକାମ୍ ନାନ୍ ନିକିଙ୍କ ହି ଆଜ୍ଞା ହିତୁତାନ୍ । ଆ
ବାବବାଣିତିଙ୍କ ଅମଗ ଅସ୍ତ ଲେକାମ୍ ବ୍ୟବହାର ମାଡ଼ି ନିମେ ଜିଝୁନ୍
ସଂଗ୍ରାମ୍‌ରେ ଜିଡ଼ି ଲାବ୍ ମାଡ଼ା ।

୧୯ ବିବେକ୍‌ତିଙ୍କ ସାୟେ ନେହସ୍, ନି ଦର୍ମ ବିଶ୍ୱାସରେ ଡ଼ଟୁଙ୍କ ମାନ୍
। ବେନ୍ ବେନ୍‌ଡ଼ ବିବେକ୍‌ରେ ତେତାବନାତିଙ୍କ ଝିଡ଼ସି ମାଡ଼ି ନିଜର୍
ଦର୍ମବିଶ୍ୱାସ୍‌ତିଙ୍କ ନଷ୍ଟ ମାଡ଼ିସ୍ ମିନ୍ଦେଡ଼ ।

୨୦ ଇଡ଼୍ ଲୋପେଙ୍କ ହୁମନାୟ ନୁ ଆଲେକ୍‌ଜାଣ୍ଡାର ମାଡ଼ତଡ଼ । ହି
ଇରଞ୍ଚୁଡ଼କିଙ୍କ ନାନ୍ ଶୟତାନ୍‌ରେ କାଇଦାଗ୍ ଝିଡ଼ସିସ୍ ଉପଯୁକ୍ତ ଦଣ୍ଡ
ବିଦାନ ମାଡ଼ତାନ୍, ଉଏତ ଇଦିନ୍ ଝାରା ଅଡ଼ ଇଶ୍ୱରରେ ନିନ୍ଦାତାଗାଙ୍କ
ଝେରେ ଆଦାନଙ୍କ ଶିକ୍ଷା ପାଏମ୍ ଆଦତଡ଼ ।

୨

ମଣ୍ଡୁଲିତେ ଉପାସନା ମାଡ଼ାନ୍ ନିୟମ୍

୧ ନାନ୍ ମୁନେନ୍ ଅନୁରଦ୍ ମାଡ଼ିତାନ୍, ଉପାସନା ମାଡ଼ାନ୍ ଝେଲେ
ସାରେତଡ଼୍ ସେଙ୍ଗେ ଇଶ୍ୱରତାଗ୍ ପ୍ରାର୍ଥନା, ନିବେଦନ୍ ନୁ ଦନ୍ୟବାଦ୍
କେଲାଟ୍ ।

୨ ଇଦେଲେକାମ୍ ଅନ୍ୟାୟରେ ଶାସନ୍ ମାଡ଼ାନଡ଼୍ ନୁ ରାଜାଲଡ଼୍
ସେଙ୍ଗେ ପ୍ରାର୍ଥନା ମାଡ଼ାଟ୍, ବେଲାକି ଇଶ୍ୱରରେ ବକ୍ତିତେ ଶାନ୍ତିତେ
ମାନ୍‌ତାଡ଼୍ ନୁ ଆନୁଷ୍ଠେ ନାରୁଡ଼୍ ପ୍ରତି ସାୟେଡ଼ ବ୍ୟବହାର ମାଡ଼ି ସୁକାମ୍
ଶାନ୍ତିତେ ଜିଝୁଣ୍ଡ ବାଦ୍‌କେ ପାର୍‌ଦତାଡ଼୍ ।

୩ ଇଦ୍ ଲେକାମ୍ ପ୍ରାର୍ଥନା ବ୍ରାଣକର୍ତ୍ତାଲ୍ ଇଶ୍ୱରରେ କଣ୍ଡେତେ
ଯଥାର୍ଥ ନୁ ଗ୍ରହନ୍ ଯୋଗ୍ୟ ।

୪ ସାରେତଡ଼୍ ପାପତାଗାଙ୍କ ଉଦ୍ଧାର ଆସ୍ ସତ୍‌ତିଙ୍କ ପୁନିଡ଼, ଇଦ୍ ଅନ୍
ଇଚ୍ଛା ।

୫ ଝେରନ୍ ମାଡର ଇଶ୍ବର ମିତ୍ତେନ୍, ମେଣ୍ଡେ ଇଶ୍ବର ନୁ ନାରିଡାଗ
ଝେରନ୍ ନାଡ଼ମେ ମିନ୍ଦେନ୍, ଅଣ୍ଡ ଆଦୁତନ୍ କ୍ରିଷ୍ଣ ଜିସୁ, ଝେରନ୍ ନାରୁନ୍
।

୬ ଅଣ୍ଡ ନାରୁଡାଦ୍ ମୁକ୍ତି ସେଙ୍ଗେ ନିଜେତିଙ୍ଗ ଉସର୍ଗ ମାଡ଼ତନ୍
ଆଦିନ୍ ସୁଦୁର୍ ସମୟତେ ପ୍ରମାନିତ ଆସ୍ମିନ୍ଦେ ଯେ, ଇଶ୍ବର ସାରେ
ନାରୁଡ଼କିଙ୍ଗ ପରିତ୍ରାନ୍ ମାଡ଼ାଙ୍ଗ ଇଚ୍ଛା ମାଡ଼ତୁନ୍, ଇଦିନାଦ୍ ସାକ୍ଷ୍ୟ
ଇସ୍ମିନ୍ଦେଣ୍ଡ ।

୭ ✽ଆଦ୍ ସତ୍ୟ ନୁ ବିଶ୍ବାସ୍ ଗଟ୍ ଅଣ୍ଡିହୁଦୀଡ୍ ପାକେ ଗୋଷନା
ମାଡ଼ାନ୍ ସେଙ୍ଗେ ନାନେ ଝେରନ୍ ପ୍ରେରିତଶିଷ୍ୟ ନୁ ଗୁରୁ ଲେକାମ୍
ଝାସ୍ମିନ୍ଦେନ୍, ନାନେ ମିତ୍ୟା କେଲନ୍ ବାଡ୍ କେତୁତାନ୍, ଆଦ୍ ସାରେ
ସଡ୍ ।

୮ ନାନ୍ ଚାଏମ୍ ଅଦୁତାନ୍ ଉପାସନାତାଗ୍ ପବିତ୍ର କାୟ୍ ତେଇସ୍
ସାରେତଡ୍ ପ୍ରାର୍ଥନା ମାଡ଼ିଡ୍ । ମନ୍ତାଦ୍ ସାରେ ପ୍ରକାର୍ କପାମ୍ ନୁ
ଇର୍ଷା ଓଡ଼ସିଓଡ଼ ।

୯ ✽ନାଟାକିଙ୍ଗ ନାୟାଦ୍ ଅନୁରଦ୍, ଆଞ୍ଜୁ ନମ୍ ନୁ ଯନ୍ବାନ୍ ଆୟି
। ମୂଲ୍ୟବାନ୍ ସିଲେ, କେଲକିଙ୍ଗ ସାୟେ ସଜାମାଡ଼ି ନୁ ସୁନା ରନ୍ଦା
ନେଡେକ୍ କେରଞ୍ଜକଟ୍,

୧୦ ମୁତେକି ସାୟେ କାମ୍ ସେଙ୍ଗେ ନିଜେଡ୍ ଦର୍ମପରାୟନ୍ତେ
ପରିଚୟ ହିଞ୍ଜି ।

୧୧ ମୁତେକି ନିରବ୍ତେ ନମ୍ ଲେକାମ୍ ମାଞ୍ଜି ଶିକ୍ଷା ହିଦାନାଦ୍ ଉଚିଡ୍
।

୧୨ ଉପଦେଶ ହିଦାନାଦ୍ ବା ମାନେଇ ପୋର୍ ରାଜ୍ ମାଡ଼ାନ୍
ଅଦିକାର୍ ନାନେ ମୁତେକିଙ୍ଗ ହିଞ୍ଜନ୍ । କିନ୍ତୁ ଆଞ୍ଜୁ କଟଆସ୍ କେଞ୍ଜି ।

୧୩ ବାତେଙ୍ଗଇକେ ଇଶ୍ବର ମୁନେନ୍ ଆଦମତିଙ୍ଗ ସୃଷ୍ଟି ମାଡ଼ତନ୍;
ତାନ୍ପେକେ ଅବାଙ୍ଗ ସୃଷ୍ଟି ମାଡ଼ତଣ୍ଡ ।

୧୪ ଆଦମ୍ ମୁନେ ପ୍ରତାରିତ ଆୟନ୍, ମୁତେ କେ ପ୍ରତାରିତ ଆସ୍
ଇଶ୍ବରତେ ନିୟମ୍ ପାଲନ୍ ମାଡ଼ିମାଡ଼ତେ ।

୧୫ କିନ୍ତୁ ନାଟା ବୁଦତଡ୍ ବିଶ୍ବାସ୍, ପ୍ରେମ୍ ନୁ ପବିତ୍ର ଜିଞ୍ଜା କଟ
ମାଡ଼କେ, ଆଦ୍ ପିଲା ଜନମ୍ ମାଡ଼କେନେ ପରିତ୍ରାନ୍ ଦର୍କ୍ତେ ।

୩

ମଣ୍ଡଳିତେ ଅଦକ୍ଷ

୧ ଉପାସକ ମଣ୍ଡଳିତିଙ୍କ ଦାୟିତ୍ୱ ଆଦାନ ସେଙ୍ଗେ ବେନ ନାରୁଣ୍ଡ ଇଚ୍ଛା ମାଡ଼ିତଣ୍ଡ, ଅଣ୍ଡ ନିଜାମ୍ ଝେରଡ଼୍ ସାୟେଡ଼୍ କାମ୍ ମାଡ଼ାନଙ୍କ ଇଚ୍ଛା ମାଡ଼ିତଣ୍ଡ, ଇଦ୍ ଗର୍ ସଡ଼ ।

୨ *ମଣ୍ଡଳିତେ ଇକାପାକାନଣ୍ଡ ନିର୍ଦ୍ଦୋଷ୍ଟ ଚରିତ୍ର, ଝେରଡ଼୍ ମୁତେନ୍ ମୁଦପାଲ୍, ସତ୍ୟବାଦୀ, ଯନ୍ତ୍ରବାନ୍ ନୁ ନାରୁଡ଼୍ ମୁନେ ସମ୍ମାନ ଆଦେୟେଡ଼ିଡ଼ । ଅଣ୍ଡ ଅତିତିପରାୟନ୍ ଆଦାନ ମିନ୍ତେ ନୁ ସିକ୍ଷିଡ଼ ଇଦାନ ମାୟଦିଙ୍କ ଦକ୍ୟତା ମାନତେ ।

୩ ଅଣ୍ଡ କାଲ୍ ଉନ୍ୟାନଣ୍ଡ ବା ଗଲ୍ କ ଆସମାନ୍ୟାନ ନାରୁନ୍ ଆୟକଟ୍, କୋମଲ ନୁ ଶାନ୍ତିତେ ମାନ୍ତନ୍ । ଅଣ୍ଡ ଦନ୍ ଲୋବି ଆୟଝେ ମାନନ୍ତେ ।

୪ ନିଜେଡ଼ ପରିବାରତିଙ୍କ ଅଣ୍ଡ ସାୟେ ଚାଲେମ୍ ମାଡେ ପାର୍ଦଦାନ ମିନ୍ଦେ ନୁ ଅଙ୍କ ସମ୍ମାନ ଇସ୍ ଅନ୍ ବାଦ୍ୟ ଆଦାନ ସେଙ୍ଗେ ତାନ୍ ପିଲାକି ଶିକିଡ଼ ଆସମାନ୍ୟାନ ମିନ୍ଦେ ।

୫ ବେନ ନାରୁନ୍ ନିଜେଡ଼ ପରିବାରତିଙ୍କ ଚାଲେମ୍ ମାଡ଼ାଙ୍କ ପାର୍ଦଝଣ୍ଡ, ଅଣ୍ଡ ଇଶ୍ୱରତେ ଉପାସକ ମଣ୍ଡଳିତେ ଯତନ୍ ଆଦତନ୍ ବେଲା ?

୬ ଅଣ୍ଡ ବିଶ୍ୱାସତାଗ୍ ସିଦ୍ଧ ଆସ୍ ମାନ୍ୟାନ ମିନ୍ଦେ; ଇଲୁକ୍ ଶୟତାନ୍ ଆଗେତେ ତୟି ଦଣ୍ଡନିୟ ଆଦାନ ସମ୍ଭାବନା ମିନ୍ଦେ ।

୭ ମଣ୍ଡଳିତେ ବାଈଦେଡ଼ ନାରିଡ଼୍ ମିକା ଅଣ୍ଡ ଝେରଣ୍ଡ ସମ୍ମାନତେ ନାରିନ୍ ମାନତନ୍, ଇଲୁକ୍ ସହଜତେ ଶୟତାନ୍ତେ ଉଡ଼ିୟି ଦାଗ୍ ଆରାସ୍ ଅଣ୍ଡ ବେଲାନ୍ କି ଅପମାନିତ ଆୟିମା କି ।

ମଣ୍ଡଳିତେ ସାହାୟ ମାଡ଼ାନଣ୍ଡ

୮ ଆଦ୍ ଲେକମ୍ ସେବକ୍ନଡ଼୍ ମିକା ଉଦ୍ଧାର ମନ୍, ବିଶ୍ୱାସତେ ଗାଡ଼ସ୍ ଆଦାନ ଦରକାର୍ । ଅଡ଼୍ କାଲ୍ ବା ଦନ୍ ଲବିଡ଼୍ ଆୟଝେ ମାନଡ଼ିଡ଼୍ ।

୯ ମାନ ଦର୍ମବିଶ୍ୱାତେ ପ୍ରକାଶିଡ଼୍ ସତ୍ୟ ଅଡ଼୍ ନିର୍ମଲ ମନ୍ତେ ଗାଡ଼ସ୍ ଆସ୍ ବିଶ୍ୱାସ୍ ମାଡ଼ମାନ୍ତଡ଼୍ ।

୧୦ ମଣ୍ଡଳିତେ ସେବା କାମ୍ ମାଡ଼ାଙ୍କ ଅଦିକାର ଆଦାନ ମୁନେଙ୍କ ଅଡ଼କିଙ୍କ ମିକା ପରିକ୍ଷା ମାଡ଼େ ଖେଇତିଡ଼ । ଇଦ୍ ପରିକ୍ୟାତାଗ୍ ପାସ୍ ଆଡ଼କେ ଅଡ଼ ସେବାକାମ୍ ଦାଗ୍ ମାନଡ଼ ।

୧୧ ଆଦ୍ ଲେକାମ୍ ତାମ୍ ନାଟାକି ମିକା ବାଗାତଡ଼ୁକ୍ ନିନ୍ଦାମାଡ଼କଟ ମାନୁଟ୍, ସତ୍ୟବାଦୀ ନୁ ସାରେ ବିଷୟ ବିଶ୍ୱାସ୍ତେ ମାଡ଼ାନ ଦରକାର ।

୧୨ ଅଡ଼ ଅଣ୍ଡୟ ମୁତେନ୍ ମୁଦ୍ପାଲ୍ ଆସ୍ମାନଡ଼ତ୍, ମେଣ୍ଡେ ନିଜେଡ଼ ନିଜେଡ଼ ପିଲାକିଙ୍କ ନୁ ପରିବାରତିଙ୍କ ଲେକେଡ଼ ଚାଲା ମାଡ଼ମାନଡ଼ତ୍ ।

୧୩ ବେନଡ଼ ଲେକେଡ଼ ସେବା କାମ୍ ମାଡ଼ ଝାଦୁଡ଼ତ୍, ଅଡ଼ ନିଜେ ନିଜେଡ଼ ସେଙ୍ଗେ ସୁକ୍ୟାତି ନୁ କ୍ରିଷ୍ଟ ଜିସୁନାଗେ ବିଶ୍ୱାସିଡ଼ ଲେକେଡ଼ତେ ସାହାସ୍ ଲାବ୍ ମାଡ଼ିତଡ଼ ।

ବିଶ୍ୱାସତାଦ୍ ସତ୍ୟତା

୧୪ ଇଦ୍ ଚିଟି ଲେକାନ ଖେଲେ, ଯାପେ ମି ଗାରେ ଆଦାନ ସେଙ୍ଗେ ନାନେ ଇଚ୍ଛା ମାଡ଼ୁଡ଼ାନ ।

୧୫ ନାୟାଦ୍ ଯଦି ଝାଦାନାଦ୍ ତେରି ଆଦତେ, ଜିଝେଡ଼ ଇଶ୍ୱରତେ ପରିବାର ଲେକାମ୍ ଇଦ୍ ଉପାସକ ମଣ୍ଡଳିତାଗ୍ ମାକିଙ୍କ ବେଲାନ ବ୍ୟବହାର ମାଡ଼ାଙ୍କ ଆଦତେ, ଇଦ୍ ଚିଟିତେ ଆଦ୍ ମିଡ଼ ପୁନ୍ଦିତିଡ଼ । ଇଦ୍ ମଣ୍ଡଳିତେ ସତ୍ୟତାଦ୍ ଗୁଞ୍ଜେ ନୁ ବିଭିମୂଲ ।

୧୬ ମାନ ଦର୍ମବିଶ୍ୱାସତେ ଇଦ୍ ଗୁରୁଡ଼ ବିଷୟତିଙ୍କ ବେନ ଅସ୍ତିକାର ମାଡ଼େ ପାରୁଡ଼, ନାରୁନ୍ ମେନ୍ଦୁଲ୍ ପୟସ୍ ଝାସ୍ମାନ୍ଦାନ କ୍ରିଷ୍ଟ, ସ୍ୱର୍ଗଦୂତକିନ୍ ତଡ଼ କାଇଲି ତଣ୍ଡ, ସାରେ ଜାତିକିନାଗ୍ ଅନ୍ ଦାର୍ମାମ୍ ଆଡ଼ତଣ୍ଡ, ପୁରା ଜଗଡ଼ତେ ନାରୁଡ଼ ଅଂକିଙ୍କ ବିଶ୍ୱାସ୍ ମାଡ଼ତଡ଼, ଅଣ୍ ଗୌରବତେ ସ୍ୱର୍ଗତା ଆଡ଼ତନ୍ ।

୪

ବୁସା ମାଡ଼ାନ ମେସ୍ତେରିଡ଼ ବିଷୟତେ ସତର୍କଗଟ୍

୧ ପବିତ୍ର ଆମ୍ବା ବୁଜେମ୍ ଆଡ଼ତେ ଲେକାମ୍ କେଡୁଡ଼ ଯେ, ପ୍ରତାରକ ପାପାମ୍ବାକିନ୍ କାରାପ୍ ଶିକ୍ଷାତାଗ୍ ରାୟି ଅଣ୍ଡୟଦିନେ ବେନ କ୍ରିଷ୍ଟ ବିଶ୍ୱାସତାଗାଙ୍କ ଖେରେ ଆଡ଼ତଡ଼ ।

^୨ ଇଡ଼, ବେସକ୍ତୁଡ଼, ବୁସା ନୁ ମିତ୍ୟାବାଦୀଡ଼, ଆଦତଡ଼, ଅଡ଼ଝାଦ୍ ବିବେକ୍ ତଲ୍ଲତେ ।

^୩ ପେଣ୍ଡୁଲୁ ମାଡ଼ାନାଦ୍ ନୁ ବେନା କାଦି ତିୟାନାଦ୍ ଆୟ୍ ଇଞ୍ଜ ଅଡ଼, କେତୁତଡ଼ । କିନ୍ତୁ ବେନ୍ କ୍ରିଷ୍ଟବିଶ୍ୱାସୀଡ଼, ସଡ଼ ସାରେ ମାଡ଼ିମିନ୍ଦେଡ଼, ଅଡ଼, ଇଶ୍ୱରତେ ତିଆର୍ ମାଡ଼ତେ ସାରେ କାଦି ମାଇଦିଙ୍ଗ୍ ଅଂକିଙ୍ଗ୍ ଦନ୍ୟବାଦ୍ କେସ୍ ଆଦ୍ ନିଜାମ୍ ମନ୍ଦେ ତିନ୍ଦେପାର୍ତନ୍ ।

^୪ ଇଶ୍ୱର ବାତେ ତିଆର୍ ମାଡ଼ିମିନ୍ଦେନ୍, ଆଦ୍ ସାରେ ସାୟେ, ଆଗାଙ୍ଗ୍ ବେଦିଙ୍ଗ୍ବା ପାସକାଙ୍ଗ୍ ପାରଦାଙ୍ଗ୍ ଆୟ୍ । ଅଂକିଙ୍ଗ୍ ଦନ୍ୟବାଦ୍ ମାଡ଼ି ଅନାଦ୍ ସାରେ ଦାନତିଙ୍ଗ୍ ସାରେ କୃତଜ୍ଞା ତଡ଼, ଗ୍ରହନ୍ ମାଡ଼ାନ୍ ଉତିଡ଼ ।

^୫ ଇଶ୍ୱରତେ ବାକ୍ୟ ଏକେ ମାଡ଼ି ଅଂକିଙ୍ଗ୍ ପ୍ରାର୍ଥନା ମାଡ଼ାନ୍ ଦ୍ୱାରା ସାରେ ବିଷୟ ପବିତ୍ର ଆଦତେ ।

କ୍ରିଷ୍ଟ ଜିସୁନ୍ ସାୟେଡ଼ ସେବକ

^୬ ସଡ଼ତେ ପର ପ୍ରତିଷ୍ଠିତ ମାନ୍ ଦର୍ମବିଶ୍ୱାସ ନୁ ତଡ଼େତେ ଅନୁପ୍ରନିତ ଆସ୍ ତାମତି ନିମ୍ ଯଦି ମଣ୍ଡଲିତେ ଦାଦାଲଡ଼ ନୁ ଏଲାସ୍ତିଙ୍ଗ୍ ହିଝୁ ସାରେ ଶିକ୍ଷା ଇଡ଼କେ, କ୍ରିଷ୍ଟ ଜିସୁନ୍ ଅରଡୁନ୍ ସାୟେଡ଼ ସେବକ ଆଦତିନ୍ ।

^୭ ଇଶ୍ୱରତିଙ୍ଗ୍ ଅପମାନ୍ ମାଡ଼ମାନ୍ଦାନ୍ ମୁଲ୍ୟହିନ କିମ୍ବଦନ୍ତିକିଙ୍ଗ୍ ପରିହାର ମାଡ଼ି, ମି ଦର୍ମଜିଝୁଣ୍ଡତେ ଶକ୍ତି ମାଡ଼ାଙ୍ଗ୍ ଅବ୍ୟାସ୍ ମାଡ଼ାଟ୍ ।

^୮ ମେନ୍ଦୁଲ୍ଲତେ ବ୍ୟାୟାମ୍ ଦରକାର୍ ମିନ୍ଦେ । କିନ୍ତୁ ଆଦ୍ୟାମ୍ବିକ୍ ସାଦନା ସାରେଡ଼ ଲେକାମ୍ ଉପାୟ, ବାତେଙ୍ଗ୍ଇକେ ହିଦିନ୍ ମାର୍ଦିଙ୍ଗ୍ ନାରୁଡ଼, ଇରିଡ଼ ଉଞ୍ଜେଡ଼ ନାରିଡ଼, ନୁ ବବିଷ୍ୟତ୍ତେ ନାରୁଡ଼, ଜିଝୁନ୍ ଆସ୍ ମାନ୍ତଡ଼, ଇଞ୍ଜ ପ୍ରତିଜ୍ଞା ପାହେମ୍ ଆଦତଡ଼ ।

^୯ ହିଦ୍ ନିଜାମ୍ ସଡ଼ ନୁ ସାରେତଡ଼, ଇଦ୍ ସାରେ ମାଡ଼ି ପୂର୍ଣ୍ଣପ୍ରାନ୍ତେ ବିଶ୍ୱାସ୍ ମାଡ଼ନ୍ ଦରକାର୍ ।

^{୧୦} ବେନ୍ ମୁକ୍ତିଦାତାନାଗ୍ ବିଶ୍ୱାସ୍ ମାଡ଼ାକେ ସାରେତଡ଼, ପରିତ୍ରାନ୍ ଲାବ୍ ମାଡ଼େପାର୍ତନ୍, ଆ ଜିଝୁନ୍ ତେ ଇଶ୍ୱରତାଗେ ବରସା ଖାଟି, ମାନାଡ଼, ଇସର୍ କଷ୍ଟ ସାକାର୍ ମାଡ଼ି ହି କାମ୍ ମାଡ଼ି ଅଦୁତମ୍ ।

^{୧୧} ହି ସାରେ ଶିକ୍ଷା ନୁ ନିର୍ଦ୍ଦେଶ ଅଡ଼କିଙ୍ଗ୍ ବୁଜାମାଡ଼ିମୁଟ୍ ।

୧୨ ମିଡ଼୍ ନିଜର ଗର୍ବ ଭିରୟାନାଦ୍, ଆଚରନ୍, ପ୍ରେମ୍, ବିଶ୍ୱାସ୍
ନୁ ଚରିତ୍ର ନିର୍ମଳତାରେ ଆଦର୍ଶ ତଥେ ପାରତତ୍ୱ, ସୁଦୁର ବୟସ୍
ଆସ୍ମାତ୍ତକେ ବା ମିକିଙ୍କ୍ ମଣ୍ଡୁଲିତାଗ୍ ବେନ ଅବଜ୍ଞା ମାଡ଼େପାର୍ଡ଼ତ୍,
।

୧୩ ନାନ୍ ମି ଗାରେ ଖାନା ଯାକ ମିଡ଼୍ ଦର୍ମଶାସ୍ତ୍ର କାର୍ତ୍ତାନାଦ୍,
ଉପଦେଶ ନୁ ଶିକ୍ଷା ହିଦାନ୍ କାମ୍ ମାଡ଼ମାନୁର୍ ।

୧୪ ମଣ୍ଡୁଲିତେ ବୟସ୍ତେ ବେଡ଼୍ଯକିଜ୍ ନେତାଲତ୍ ନିକିଙ୍କ୍ ଇଶ୍ୱରତେ
ବାନୀ କେଜ୍ପି ମି ପର କାୟ୍ଝାଟି ମାଡ଼ାନ୍ ଖେୟ ମିଡ଼୍ ବେନ୍ ଆମ୍ତେ
ଦାନ୍ ଲାବ୍ ମାଡ଼ିମାଡ଼୍ ତିଡ଼୍ ଆଦିଙ୍କ୍ ପାୟ୍ଝାଡ଼୍ ମାଡ଼ମାଡ଼୍ ।

୧୫ ନାନ୍ ମାଡ଼ିମାନ୍ଦାନ୍ ସାରେ ବିଷୟ୍ ହୃଦୟ୍ ତଡ଼୍ ପାଲନ୍ ମାଡ଼ାନ୍
ଅବ୍ୟାସ୍ ମାଡ଼ାଡ଼୍, ଫଲତେ ମି କାମ୍ ମାଡ଼ତାଦ୍ ସାରେତଡ଼୍ ଗାରେ
ତଅନ୍ଦିଡ଼୍ ।

୧୬ ଆଲାହିକେ, ମିଡ଼୍ ନିଜେ ପରିତ୍ରାନ ପାହେମ୍ ଆଦତିଡ଼୍ ନୁ ଖେର୍
ଅର୍ତ୍ତତ୍ ପରିତ୍ରାନ୍ ପ୍ରାପ୍ତେ ସହାୟକ ଆଦତିଡ଼୍ ।

୫

ବିଶ୍ୱାସୀଡ଼୍ ମାଲଦିଙ୍କ୍ କର୍ତ୍ତବ୍ୟ

୧ ବୟସ୍ତେ ବେଡ଼୍ଯକିଜ୍ ନିଜର ବାବାଲ୍ ଜନା ହେର୍ଜା ମାଡ଼ାଡ଼୍ ।
ଅଡ଼୍କିଙ୍କ୍ ବର୍ସନା ମାଡ଼କଟ ନମ୍ତେ ଆନୁଯୋଗ୍ ମାଡ଼ାଡ଼୍ । ସୁଦୁନଡ଼୍
ପ୍ରତି ତାମୁଡ଼୍ ଲେକାମ୍ ବ୍ୟବହାର୍ ମାଡ଼ାଡ଼୍ ।

୨ ବୟସ୍ତେ ବେଡ଼୍ଯ ନାଟାକିଙ୍କ୍ ଯାୟା ନୁ ସୁଦୁର ରାଞ୍ଜିଙ୍କ୍ ଏଲାୟା,
ଇଞ୍ଜ ମନେ ମାଡ଼ି ଆଞ୍ଜିନ୍ ମାରକିଙ୍କ୍ ପବିତ୍ର ଆଚରନ୍ ମାଡ଼ାଡ଼୍ ।

୩ ଖେରଡ଼୍ ଆସ୍ ନିଃସହାୟ ଲେକାମ୍ ତାକମାନ୍ଦାନ୍ ରାଣ୍ଡିକିଙ୍କ୍
ମାନେମ୍ ମାଡ଼ାଡ଼୍ ।

୪ ଯଦି ବେନ୍ଆଇ ରାଣ୍ଡିନ୍ ମାର୍ ପୌତ୍ରାଦି ମିନ୍ଦେଣ୍ଡେ, ଆଞ୍ଜୁ ମିନେଙ୍କ୍
ନିଜର ପରିବାରଦାଗ୍ ଯାୟାବାବାଲ୍, ବାବାମହ ବା ଯାୟାମାହାଙ୍କ୍ ପ୍ରତି
ଦର୍ମତଃ ନିଜର କର୍ତ୍ତବ୍ୟ ପାଲନ୍ ମାଡ଼ି ଇଶ୍ୱରତେ ପସନ୍ଦ୍ ଆୟ୍ମୁର୍ ।

୫ ବେନ୍ ରାଣ୍ଡିଲ୍ ନିଜାମ୍ ତେ ଖେରଡ଼୍ ନୁ ଆଶ୍ୱୟ ଇଲେ, ଆଦ୍
ଇଶ୍ୱରତେ ପର ଆଶେ ଖାଟି, ଦିବାନିଶି ତାନ୍ ସାହାୟ ବିକ୍ୟା
ମାଡ଼ମାଡ଼େ ।

୭ କିନ୍ତୁ ଚୁବନ୍ ରାଣ୍ଡି ଆସବା ବୋଗବିଲାସ୍ତେ ଦିନାତିପାତ ମାଡ଼ିତ୍, ଆଦିକ୍ ଜିହ୍ବନ୍ ମାଞ୍ଜବା ଡଲ୍‌ଡେ ଇଞ୍ଜ ମନେ ମାଡ଼୍‌ଝେୟତିତ୍ ।

୭ ରାଣ୍ଡିକିକ୍ ହି ବିଷୟତେ ସତର୍କ୍ ମାଡ଼ିମୁଟ୍, ବେନ ବା ଆଞ୍ଜିନ୍ ବିରୁଦ୍‌ତେ ବାଡ଼ ଅବିଯୋଗ୍ ମାଡ଼ାକ୍ ସୁଯୋଗ୍ ପାଏମ୍ ଆୟମାକି ?

୮ ବେନ୍ ନାରୁଣ୍ଡ ତାନ୍ ନିଜର୍ ସୁଜନ ତଥା ନିଜର୍ କୁଟ୍‌ମାତେ ଯନ୍ ଆୟଣ୍ଡ, ଅଣ୍ଡ ମା ଦର୍ମବିଶ୍ୱାସୀତାଗାକ୍ ଅଣ୍ଡ ଅଦିକ୍ ନିନ୍ଦନିୟ ।

୯ ମଦଲ୍ ଲେକ୍‌ତେ ଯୋଗ୍ୟତା ମାନ୍ଦାନ୍ ରାଣ୍ଡିକିକ୍ ଅଣ୍ଡୟ ତାଲିକା ମାଡ଼ାଟ୍ ବେନଡ୍ ବୟସ ଷାଟିଏ ବର୍ଷଡ୍ ପର, ବେନଡ୍ ଅଣ୍ଡୟଦାମ୍ ମାଡ଼ର୍ ପେଣ୍ଡୁଲ୍ ଆସ୍‌ମାନ୍‌ତା,

୧୦ ପିଲାକିକ୍ ଲେକେଡ୍ ଯତନ୍ ଆୟନା, ଅବଗତକିଡ୍ ଆତିତ୍ୟ ମାଡ଼ିକାଡ୍ କ୍ରିଷ୍ଟିୟାନ୍ ଦାଦାଲ୍, ହେଲାସ୍‌କିକ୍ ସେଙ୍ଗେ ନମ୍ ଆତରନ୍ ମାଡ଼ିକାଡ୍, ଗରିବ୍ ନାରୁଡ଼କିକ୍ ସାହାଯ୍ୟ ମାଡ଼ିକାଡ୍, ହିସାରେ ସାୟେକମ୍ ସେଙ୍ଗେ ବେନଡ୍ ସମାଜ୍‌ତାଗ୍ କାତି ଲାବ୍ ମାଡ଼ିତଡ୍ ।

୧୧ ସୁଦୁର୍ ବୟସତେ ରାଣ୍ଡିକିକ୍ ତାଲିକାତାଗ୍ ନେହେମାଟ୍ । ଆଞ୍ଜୁ ମେଣ୍ଡିନ୍‌ଦାମ୍ ପେଣ୍ଡୁଲ୍‌ଆଦାନ୍ ଲାଲାସା ପୋଷନ୍ ମାଡ଼ାନ୍ ଦ୍ୱାରା ପ୍ରବୁ ଜିସୁନାଗେ ନେହେସ୍‌ମାନ୍ଦାନ୍ ପ୍ରତିଜ୍ଞା ନଷ୍ଟମାଡ଼ି ଅନ୍‌ଆଗାକ୍ ଦୁରାମ୍ ଆଦାନାଦ୍ ଆଶଙ୍କା ମିନ୍ଦେ ।

୧୨ ଅଡ୍‌ତାମ୍ ମୁନେଡ୍ ପ୍ରତିଜ୍ଞା ଲଘାନ୍ ମାଡ଼ାନ୍ ମାୟଦିକ୍ ଦଣ୍ଡ ପାଏମ୍ ଆଦତା ।

୧୩ ଇଡ୍ ଲକ୍ ଲକ୍ ଉଡି ସମୟ ଅପସୟ ମାଡ଼ିତଡ୍, ନାଗେ ନାରୁଡ୍ ବୁସା ଝେଷଡ୍‌ନ୍ ଝେରଣ୍ଡ ଚର୍ଚା ମାଡ଼ି କେଲ୍‌ଝେ ଗଟି ସାରେ କେଡିତଡ୍,

୧୪ ସୁତର୍ ନାୟାଦ୍ ମନ୍‌ଦେ ଆଦୁତେ, ସୁଦୁର୍ ବୟସତାଞ୍ଜ ରାଣ୍ଡିକି ମେଣ୍ଡିନ୍‌ଦାମ୍ ପେଣ୍ଡୁଲ୍‌ଆସ୍ ମାର୍‌ଦେ ମାୟାଡ଼ିଦେ ଯାୟାସ୍ ଝେରଡ୍, ଝେର ଲେକେଡ୍ ପୁନାଦ୍ ସଂସାର୍ ତିଆରମାଡ଼ି । ଆଲାହିକେ, ମା ବିରୁଦ୍‌ତେ ମାନ୍ଦାନ୍ ନାରୁଡ୍ ଇଞ୍ଜିକ୍ ଆସ୍ ସମ୍ପ୍ରଦାୟତେ କାର୍‌ପ ମାଡ଼ାକ୍ ଅବକାଶ ପାହେମ୍ ଆୟଡ୍ ।

୧୫ ବେସ୍‌କ୍ ସୁନ୍‌ବର୍ ବୟସତେ ରାଣ୍ଡିକି ଶୟତାନ୍‌ତେ ଚକ୍ରାନ୍ତତାଗେ ରାଲି ଆର୍ ମାଙ୍ଗ୍ ଆଦୁତେ ।

୧୬ ମେଣ୍ଡିନ୍‌ଦାମେ କେସ୍ ନେହେତୁତାନ୍, କ୍ରିଷ୍ଟବିଶ୍ୱାସୀ ହେଲାକିକ୍ ନିଜର୍ ପରିବାରତାଗ୍ ମାନ୍ଦାନ୍ ରାଣ୍ଡିକିକ୍ ପଡ଼୍‌ପାନ୍ ବାର ନିଜେ

କାଞ୍ଜାର । ବେଦପୁରୁଷ୍ ମଣ୍ଡଳି ହିଞ୍ଜିନ୍ ସେଙ୍ଗେ ବାରଗ୍ରସ୍ଥ ଆୟକଟ, ନିରାଶ୍ରୟ ରାଣ୍ଡିକିଙ୍କ ଯନ୍ ଆଦାଙ୍କ ସମର୍ଥ ଆଦତେ ।

୧୭ ମଣ୍ଡଳିତେ ବେନଡ଼, ନେତାଲଡ଼, ଅଡ଼, ପଡ଼ିୟେତାଗାଙ୍କ କୃତିତ୍ୱ ତଅତିତଡ଼, ବିଶ୍ୱଷତଃ ବେନଡ଼, କଷ୍ଟ ସୀକାର ମାଡ଼ି ଶିକ୍ଷା ନୁ ପ୍ରଚାର କାମ ମାଡ଼ମାନତଡ଼, ଅଡ଼, ରେଣ୍ଡୁଗୁନ୍ ହାରତେ ପରିଶ୍ରମିକ ଦରକାନ୍ ଉଚିତ୍,

୧୮ ☆ବାତେଙ୍କ ଇକେ ଶାସ୍ତ୍ରତାଗ୍ ଲେକାମିନ୍ଦେ; ଶସ୍ୟ ପାଣ୍ଡୁସମାନ୍ୟାନ ଝେଲେ କନ୍ଦେଡ଼ ମୁର୍ତ୍ତାଗ୍ ମୁର୍ତ୍ତୁଲ୍ ତଅମାର୍ । ମେଣ୍ଡେ “କାମମାଡ଼ାନଡ଼, ମିନ୍ଦେଡ଼, ତିପାଲ୍ତେ କାନ୍ଦେ ପାହେମ୍ ଆଦାଙ୍କ ହକ୍ଦାର୍ ।”

୧୯ ଇରଞ୍ଜୁଡ଼, ବା ମୁନ୍ନୁଡ଼, ସାକ୍ଷି ଇଲକଟ ମଣ୍ଡଳିତେ ଅରୁଣ୍ଡ ବେଡ଼ବୟସତେ ନେତାନ୍ ବିରୁଦ୍ଧତେ ବାତେବା ଅବିଯୋଗ୍ ବିଚାର ମାଡ଼ାନାଗ୍ ଆୟମାର୍ ।

୨୦ କିନ୍ତୁ ବେନଡ଼, ପ୍ରକୃତେ ପାପ୍ କାମ୍ତାଗ୍ ମାନ୍ତ୍ରତଡ଼, ଝେରଅରୁଡ଼କ୍ ସତର୍କ୍ ମାଡ଼ାନ୍ ମାଇଦିଙ୍କ, ଅଡ଼କିଂଙ୍କ, ପ୍ରକାଶ୍ୟତେ ବର୍ଣ୍ଣନା ମାଡ଼ାର୍ ।

୨୧ ପ୍ରବୁ ଜିସୁ କ୍ରିଷ୍ଟ, ଦୂତ ନୁ ସ୍ୱୟଂ ଇଶ୍ୱରତିଙ୍କ ସାକ୍ଷି ଝାଟି, ହିସାରେ ନିର୍ଦ୍ଦେଶ ପାଲନ୍ ମାଡ଼ାଙ୍କ ନାନେ ମିକିଙ୍କ ଏକାନ୍ତ ଅନୁରଦ୍ ମାଡ଼ତୁନ୍ । ବେନନ୍ ବିରୁଦ୍ଧତେ ପକ୍ୟପାତିତା ଲେକାମ୍ ବେନ୍ ଆଇ କାମ୍ ମାଡ଼ମାର୍ ।

୨୨ ତରବର ଆସ୍ କାଇଦେର୍ପନ୍ ହାର୍ ଇଶ୍ୱରତେ କାମ୍ତେ ମାଇଦିଙ୍କ ବେନଙ୍କବା ନିଯୁକ୍ତ ମାଡ଼ମାର୍ । ଝେରଅରୁଡ଼ନ୍ ପାପ୍ତେ ନିଜ୍ଜତିଙ୍କ ଲିପ୍ତ ମାଡ଼ାମା । ମିଡ଼୍, ନିଜ୍ଜତିଙ୍କ ପୁରା ପବିତ୍ର ନେହେମୁର୍ ।

୨୩ ମାତର୍ ଏରହୁନକଟ, ମିୟାଦ୍ କାରପହିତାନ୍ ଶକ୍ତି ଅଦିକ୍ ମାଡ଼ାଙ୍କ ସୁଦୁର୍ ଇନା ଅଙ୍ଗୁର୍ କାଲ୍ ଉନ୍ନୁର୍, ବାତେଙ୍କଇକେ ମିଡ଼୍, ବାରମ୍ବାର୍ ଅସୁସ୍ଥ ଆଦୁତିଡ଼ ।

୨୪ ବେସ୍‌କତଡ଼ାଦ୍ ଦୁଷ୍ଟର୍ ସର୍ବସାରନ୍ତେ ପ୍ରକାଶ୍ ପାହେମ୍ ଆଦତେ, ଅଡ଼, ଆଦିନ୍ ମାଇଦିଙ୍କ ଗାଟି ସିଟ୍‌ପାର୍ ବିଚାରଲୟତେ

ସମ୍ପଦ୍ଧିନ ଆଦେଷେଇତିତ୍ । ମେଣ୍ଡେ ବେସ୍‌କତଡ଼, ପାପ୍ ନାଗେ ମାନ୍ଦେତେ ଦରା ପଡ଼େମ୍ ଆଦତଡ଼ ।

୨୫ ଆଦେପୁରୁଙ୍କ ବେସ୍‌କତଡ଼କ୍ ଦର୍ମକର୍ମ ସହଜତେ ସାରେତଡ଼, ଉଡ଼, ପାରତଡ଼ । କିନ୍ତୁ ମେଣ୍ଡେ ବେସ୍‌କତଡ଼, ସଡ଼କର୍ମ ଆଦେପୁରୁଙ୍କ ପ୍ରକାଶ ପାହେମ୍, ଆୟକଟ ମାଡ଼କେ ସାରେଦିନା ମିଞ୍ଜି ମାନ୍ଦେପାରୁଡ଼ ।



୧ କ୍ରିଷ୍ଣବିଶ୍ୱାସି କ୍ରୀତଦାସନଡ଼, କର୍ତ୍ତାଲତ୍ତକ୍ ସାରେକିଟବିଦି ସମ୍ପାନ୍ ଇଦତଡ଼ । ଆଲେକ୍, ଇଶ୍ୱରତେ ବିରୁଦ୍ଧତେ ବା ମାନ୍ ଶିକ୍ଷା ସମ୍ପର୍କତେ ବେନ ବାତେ କାରାପ୍ ମାଡ଼େପାରୁଡ଼ ।

୨ ବେନଡ଼ କର୍ତ୍ତାନଡ଼, “ଦାଦା,” ହେର୍କା ମାଡ଼ି ଅଡ଼କିଂଙ୍କ ଯୋଥସିତ ସମ୍ପାନ୍ ଇଦାନ୍ ଲେଟ୍ ମାଡ଼ମାଟ୍, ବରଂ ଅଦିକ୍ ନିଷ୍ଠାପର ଲେକାମ୍ ଅଡ଼, ସେବା ମାଡ଼ାଟ୍, ବାତେଙ୍କଇକ୍ ଅଡ଼, ମିକା କ୍ରିଷ୍ଣବିଶ୍ୱାସି ନୁ ଗାଟି ପ୍ରିୟ ନାରୁଡ଼ । ଇଦ୍ ସାରେ ବିଷୟ ମୀଇ ଶିକ୍ଷା ଇସ୍ ପ୍ରଚାର ମାଡ଼ିତିଡ଼, ।

ମିତ୍ୟା ଶିକ୍ଷା ନୁ ପ୍ରକୃତ ଦନ

୩ ବେନଡ଼, ପ୍ରବୁ ଜିସୁକ୍ରିଷ୍ଟଙ୍କ ଶିକ୍ଷାତଡ଼, ସାନଞ୍ଜସ୍ୟ ମାନକଟ ନୁ ମାନ୍ ଦର୍ମ ଶିକ୍ଷାତେ ବିରୋଦ୍ ମାଡ଼ମାନ୍ଦାନ୍ ମେଣ୍ଡନ୍ ଲେକାମ୍ ପ୍ରଚାର ମାଡ଼ିତଡ଼,

୪ ଅଡ଼, ମାତର ଆଗେତେ ସ୍ତ୍ରୀତ ଝିଡ଼ସି ମେଣ୍ଡେ ବାଡ଼ ଆୟ । ଅଡ଼ ଶାସ୍ତ୍ରତେ ଅର୍ଥ ଆସ୍ ରାମକ୍ ମାଡ଼ିତଡ଼; ହିଗାଙ୍କ ମାତର କପାମ୍ ସନ୍ଦେହ, କୁସାରଟନା ନୁ ଗଣ୍ଡଗଲ୍ ଆଦତେ ।

୫ ଅଡ଼, ବିଚାର ଲେକାମ୍ ଆସ୍ ଆସାମ୍ ଯୁକ୍ତିତର୍କ ତଡ଼, ସତ୍ୟତାଦ୍ ଅପଲାପ ମାଡ଼ିତଡ଼ । ଦର୍ମବିଶ୍ୱାସ୍‌ତିଙ୍କ ମାତର ସାଉକାର୍ ଆଦାନ୍ ଅଣ୍ଡୟ ଆର୍ ଇଞ୍ଜ ଅଡ଼, ହେର୍କା ମାଡ଼ିତଡ଼ ।

୬ ଦର୍ମପରାୟନ୍ ନାରୁଡ଼, ମୁନେଙ୍କ କଞ୍ଜ ସାଉକାର୍, ବାତେଙ୍କଇକ୍ ଅନାଦ୍, ବେସର ମିନ୍ଦେ, ଆଚରତିଙ୍କ ଅଣ୍ଡ ସନ୍ତୁଷ୍ଟ ।

୭ ମାମେ ଇଦ୍ ଜଗତ୍‌ତିଙ୍କ ବାତେ ଆସ୍ ତାଡ଼ତମ୍ ? ବାତେ ତ ଆୟ । ମେଣ୍ଡେ ହିଗାଙ୍କ୍ ସାଙ୍ଗେତେ ଆସ୍ ମାଲ୍‌ସ୍ ଆଦାନାଦ୍ ? ବାତେ ଆୟ ।

୮ ଆଲାହିତ୍ବକେ, ମାୟାଞ୍ଚ ଅନ୍ନ ବସ୍ତୁତେ ସଂସ୍ଥାର ଆଦେ ପାରତମ୍, ଇଦ୍ ମା ସେଙ୍ଗେ ଯଥେଷ୍ଟ ଆୟ କି ?

୯ ଦନ୍ ସମ୍ପତ୍ତିତେ ଲୋଭ ନାରିନାଗେ ପରିକ୍ଷା ନୁ ଚକ୍ରାନ୍ତ ଲୋପେଙ୍କ ଲାଗିଆଦତେ; ଅନ୍ ମନ୍ଦାଗ୍ ଗାତି ତୁଚ୍ଚ ଅନିଷ୍ଟ ଲାଳସା ଜାଗ୍ରତ ମାଡ଼ି ଆଦାଙ୍କ ଦ୍ବସଂ ନୁ ସର୍ବନାଶ ପାକେ ଲାଗିଆଦତେ ।

୧୦ ଅର୍ତ୍ତଲୋଭ ସାରେତତ୍ ଅନର୍ତ୍ତତେ ମୂଲ । ବେନତ୍ ସାରେଦାମ୍ ମାତର୍ ଅର୍ତ୍ତାଗମନ୍ ପଛା ମେହେକ ମାନ୍ତତତ୍, ଅତ୍ ଦର୍ମବିଶ୍ବାସତିଙ୍କ ଆରାମାଡ଼ିତତ୍, ମରିମାନତେ ମାତର୍ ନୁ ଦୁଃକାମ୍ତେ ଅତ୍ ହୃଦୟ କଷ୍ଟ ଆଦତେ ।

ପାଉଲ୍ତେ ମାଡ଼େଙ୍କତାଦ୍ ଗଟ୍

୧୧ କିନ୍ତୁ ଆ ତାମଡ଼ି ନିମେ ଖେରଣ୍ଟ ଇଶ୍ବରତେ ନାରୁନି ଆଦିଙ୍କ ହି ସାରେତାଗାଙ୍କ ନିମେ ଦୂରାମ୍ ମାନୁର୍ । ଦର୍ମତେ ନୁ ଇଶ୍ବରତେ ପାକେ ବିଶ୍ବାସ୍, ପ୍ରେମ୍, ସହିଷ୍ଟତା ନୁ ସୌଜନ୍ୟ ଲେକାମ୍ ସଦଗୁଡାଞ୍ଚ ପରିପୂର୍ଣ୍ଣ ଆଦାଙ୍କ ଚେଷ୍ଟା ମାଡ଼ାଟ୍ ।

୧୨ ବିଶ୍ବାସତେ ସାୟେ ଯୁଦ୍ଧତାଗେ ପ୍ରାନ୍ତପନ୍ ମାଡ଼ାଟ୍, ଅନନ୍ତ ଜିଞ୍ଜୁନ୍ ପଇସ୍ ନେହେମୁର୍; ଆଦିନ୍ ସେଙ୍ଗେ ତ ମୀଡ୍ ଜିଞ୍ଜେ ଆସ୍ମିନ୍ଦେଡ଼ି ନୁ ନାରାଗେ ସାକ୍ଷିଙ୍କ ସାକ୍ଷାତ୍ତେ ଲେକେତ୍ ସାକ୍ଷ୍ୟ ଇସ୍ମିନ୍ଦେଡ଼ି ।

୧୩ ☆ସାରେ ପଶୁକିନ୍ ଜିଞ୍ଜେ ଦାତାଲ୍ ଇଶ୍ବରତେ ମୁନେ ନୁ ପତ୍ତିଆସ୍ ପିଲାତନ୍ ମୁନେ ଦୃଡ୍ ବିଶ୍ବାସତେ ପରିଚୟ ଇସ୍ମାନ୍ଦାନ୍ ପ୍ରବୁ ଜିସୁ କ୍ରିଷ୍ଟନ୍ ପେଦେର୍ଡେ ମିକିଙ୍କ ଆଦେଶ୍ ଇସ୍ କେତୁତାନ୍,

୧୪ ପ୍ରବୁ ଜିସୁ କ୍ରିଷ୍ଟ ଖାଦାନ୍ ଦିନାୟାକ ମିକିଙ୍କ ଇସ୍ମାନ୍ଦାନ୍ ଦର୍ମବିଦି ବିଶ୍ବାସତେ ପାଲନ୍ ମାଡ଼ି ନିର୍ମଲ୍ ନୁ ନିନ୍ଦେ ଆୟକଟ୍ ମାନୁର୍ ।

୧୫ ଅନାଦ୍ ମେଣ୍ଡେ ଖାଦାନାଦ୍ ଦିନାମ୍ ହେଉଦାନ୍ ଦିନାମ୍ ମାଡ଼ିତନ୍ ସ୍ବୟଂ ଇଶ୍ବର୍ କେନେସାୟ୍, ରାଜାଦିରାଜ, ପ୍ରବୁନତ୍ ପ୍ରବୁ, ଅଦ୍ବୀତିୟ ଅଦିପତି;

୧୬ ଇଶ୍ବର୍ ଅମର୍, ଅଣ୍ଟ ମାତର୍ ମାନାଦ୍, ନାରିତ୍ବତେ ଏସ୍ତୁଦାଙ୍କ ପାର୍ବେ ଖେସ୍ ରାଜ୍ୟତେ ଅଣ୍ଟ ଆଗେ ମାନ୍ତନ୍; ବେନ ଅଙ୍କ ବେସୁଙ୍କ ଉଡନ୍; ବେନ ବା ବେସୁଙ୍କ ଝୁଡେ ପାର୍ବେଶ୍ । ଅନ୍ ଗୌରବ୍ ନୁ ସ୍ବର୍ଗ ରାଜ୍ୟ ଯୁଗ୍ଯୁଗ୍ ମାନି । ଆମେନ୍ ।

^{୧୭} ବେନଡ଼୍ ମୁନେଙ୍କକଞ୍ଜ ସାଉକାର, ଅଡ଼ ବେଲାନ କି ଆଙ୍କାରିଡ଼୍,
ଆୟଡ଼୍ ନୁ ସାରେଡ଼୍ ଦନ୍ଦେ ପର ଆସେ ମାଡ଼ଡ଼୍, ବରଞ୍ଚ ବୋଗ୍ଦେ
ସେଙ୍ଗେ ସାରେଡ଼୍ ବିଷୟ ନାଗେ ଲେକାମ୍ ମାକିଙ୍କ୍ ଦାନ ମାଡ଼ିତଡ଼୍,
ବେନ୍ ଇଶ୍ବର, ଅନ୍ ପର ଆଗେ ମାଡ଼ିଡ଼୍,

^{୧୮} ମେଣ୍ଡେ ଅରଡୁଡ଼୍ ସାହାଯ୍ୟତେ ସାରେଡ଼୍ ସଦ୍‌କାମ୍‌ଦେ
ସାଉକାର ଆଦତଡ଼୍; ମେଣ୍ଡେ ମୁକ୍ତ କାଈଦେ ନୁ ଉଦାର୍‌ତେ ଦାନ
ମାଡ଼ିତନ୍, ଅଦିନ୍ ସେଙ୍ଗେ ଅଡ଼କିଂଙ୍କ୍ ଆଜ୍ଞା ଇମୁର୍;

^{୧୯} ଇଦ୍ ଲେକେଡ଼୍ ନାରିଡ଼୍ ଅଡ଼ ଆଲ୍‌ସି ଜିଝେଡ଼୍ ସେଙ୍ଗେ ଲେକେଡ଼୍
ଦନ୍ ନିଜେ ନିଜେ ସେଙ୍ଗେ ଦରକାର୍, ବେଦ୍‌ଲେକାମ୍ ପ୍ରକୃତେ ଜିଝୁନ୍
ପ୍ରାପ୍ତ ଆଦତଡ଼୍ ।

^{୨୦} ହୋ ତମଡ଼ି, ନିୟାଗ୍ ବେନ୍ ଦାୟିଡ଼୍ ସମପର୍ତ୍ତ ଆସ୍‌ମିନ୍ଦେ,
ଆଦ ରକ୍ଷା ମାଡେ; ଆସର୍ ବକୁଆତନ୍ ନୁ କେତାକେତି ଜ୍ଞାନତେ
ଯୁକ୍ତିତର୍କତାଗାଙ୍କ୍ ଝେରମାର୍;

^{୨୧} ବେନ ଆଦ ପାଲନ୍ ମାଡ଼ଝେ ବିଶ୍ବାସ୍‌ତେ ମୁନେ ଆର୍ ବୁଲ୍‌କା
ଆସ୍‌ମିନ୍ଦେଡ଼୍ । ଇଶ୍ବରତେ ଅନୁଗ୍ରହ ମାଈ ଗାରେ ସାରେଦିନାମ୍ ମାନି
।

ପୁନାବ୍ ଆର୍
The New Testament in the Koya language of India:
ପୁନାବ୍ ଆର୍ (Bible)

copyright © 2020 The Word for the World International and Koya Translation Samithi, Malkangiri, Odisha

Language: (Koya)

Contributor: The Word for the World South Asia

ପୁନାବ୍ ଆର୍
ପୁନାବ୍ ନିୟମ , 2020

The New Testament in Koya Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

72ff5787-bb80-584b-a1a0-0acd8a2fefae